



COMUNA DE DURGALI

PROVÌNTZIA DE NÙGORO

DELIBERATZIONE DE SA GIUNTA COMUNALE

N. 91 DE SU10-10-2023

OGETU: Programatzione de sa rete iscolàstica e de s'oferta formativa de sa rete iscolàstica de sa Regione Autònoma de Sardigna s'annu iscolàsticu 2024/2025. Àutu de indiritzu fache a sa presentada a sa Provìntzia de Nùgoro de sa dimanda pro s'ativatzione de unu cursu de segundu livellupro mannos (ex serales) relativu a su settore Turismu.

S'annu duasmìgiabintitrès, sa die deghe de su mese de santugaine a sas oras 11:15, in Durgali e in sa DomoComunale, cunvocada a sos sentidos de lege, s'est riunida sa Giunta Comunale in sas persones de sos Sennores:

Testone Angela	Sindiga	Presente
Fancello Antonietta	Assessore	Presente
Ruiu Gianmaria	Assessore	Presente
Mele Sonia	Assessore	Presente
Carotti Bernardino Luigi	Assessore	Presente
Canu Martino Davide	Assessore	Presente

Assistit a sa setziada su sutascritu Vitze Segretàriu Comunale, Dott.ssa Elena Rita Mereu, collegadu invideo-cunferèntzia.

SA GIUNTA

Torrada a cramare sa deliberatzione G.R. n. 31/116 de su 29 cabudanni 2023, chi giughet “*Linias ghia pro sa Programatzione rete iscolàstica de s'oferta formativa de sa Regione Sardigna s'annu iscolàsticu 2024/2025. Aprovatzione preliminare*”;

Datu àutu chi cun sa formatzione de su Pranu regionale de dimensionamentu a sos sentidos de s'art. 21 de sa L. 59/1997, de s'art. 138, comma 1, de su D.Lgs. n. 112/1998, de sa Lege regionale n. 9/2006 e de sa Lege 29 nadale 2022, n. 197, sa Regione Sardigna si ponet s'obietivu de definire s'organizatzione de sa rete iscolàstica e de s'oferta formativa s'annu iscolàsticu 2024/2025;

Dadu àutu chi sas previsionones de cales a s'art. 1, commas 557 e 558, de sa Lege 29 nadale 2022, n. 197 “Bilanzu de previsione de s'Istadu s'annu finanziàriu 2023 e bilanzu pluriennale pro su triènniu 2023-2025”, (PNRR M4C1 Reforma 1.3), ant reformadu sa matèria superende s'inditu de sos paràmetros dimensionales, introduende de sas mudas a s'art. 19 de su D.L. n. 98 de su 2011, cunvertidu in sa L. n. 111 de su 2011;

Cunsideradu chi su Pranu regionale numenadu in artu, in cunformidade a sa reforma de sa disciplina introduda dae sa lege 197/2022, at a definire, duncas:

s'assentu de sas Istitutziones Iscolàsticas e de sos relativos puntos de erogatzione cun riferimentu a su primu tziclu (iscolas de s'infàntzia, primàrias e secundàrias de primu gradu), a su segundu tziclu (iscolas secundàrias de segundu gradu) e a sos Tzentros Provintziales pro s'Istruzione de sa Gente Manna (CPIA); sos indiritzos de istùdiu, articolatziones e sèberos de ativare in cada puntu de erogatzione de su segundu tziclu. Dadu àutu chi sa Regione esèrtzitat sa competèntzia programmatòria sua e de “*coordinamentu de sos Pranosprovintziales, tentas in contu dae s'art. 21 de sa L. 59/1997, de s'articulu 138, c 1 de su D.lgs 112/1998 e de sa L.R. n9/2006;*

Datu àutu chi sas Comunas tenent competèntzia subra de su de° I tziolos de istruzione a sos sentidos de s'art. 139 de su D.lgs 112/1998 ede sa L.R. n 9/2006;

Datu àutu chi sas Provintzias tenent cumpetèntzia subra de su de° II tziclos de istrutzione e subra de sa Programatzione de s'ofertaformativa relativa a su matessi, a sos sentidos de s'articulu 139 de su D.lgs 112/1998 e de sa L.R. n 9/2006; Averguadu chi sa Tzitade Metropolitana e sas Provintzias in fatu ant a pòdere ativarè mesas ispetzificas de cunfruntu inmatèria e in virtude de sas cumpetèntzias a issas atribuidas pro lege, ant a pòdere semper in cale si siat manera cunvocare edefinire sas modalidades de cuntzertatzione territoriale netzessàrias a sos fines de sa definitzione de sos Pranos provintziales de cumpetèntzia issoro;

Datu àutu chi sas Lìneas ghia tenent contu de su puntu 4.1 sa possibilitade pro sos Entes de formulare propostas chi tèngiant contu de sos batzinos efetivos de impitu, de sos puntos de atzessu a sos servìtzios e de s'oferta formativa presente in su territòriu;

Dadu àutu chi sa Provintzia de Nùgoro at animadu sas Comunas, abbaidende su tèrmine regionale pro s'aprovatzione de su pranu de dimensionamentu iscolàsticu nou, a trasmitere in tempos lestros propostas de muda de su pranu attuale respetu a sos bisòngios de s'oferta formativa attuale de su territòriu;

Bista sa pertzentuale elevada de isperditziu iscolàsticu in su territòriu nostru e retentu ùtile s'ofèrrere un'oportunidade de atzessu a s'istrutzione de segundu gradu a tantos adultos chi no ant agabbadu su cursu de istùdiu in chi in custa manera podent torrare a unu percursu de istrutzione segundària;

Dadu àutu chi sa Comuna de Durgali tenet un'apentu turisticu consolidadu, cun sa presèntzia de una gama miscrina de fainas presas a sa collida e a sos servìtzios assotziados, in unu cuntestu econòmicu interconnètidu e dinàmicu meda ;

Dadu àutu chi intre sas lìnias programàticas de custa Amministratzione bi sunt siat s'ativatzione de medidas pro crèschere unu Turismu sustenibile e pònnere in èssere medidas de agiudu mescamente pro sas fascas de giòvanos de sa populatzione e a cuddas fascas debiles de sa matessi chi podent presentare arriscos e critizidades (comente a atziones contra s'isperditziu iscolàsticu);

Dadu àutu chi in su territòriu provintziale non resurtat chi b'apat cursos de segundu livellu pro gente manna (ex serales) de s'Istitutu tènicu econòmicu –indiritzu de istùdiu turismu;

Cunsideradu chi s'ativatzione de su cursu serale numenadu in artu, diat garantire s'achirimentu de àteras cumpetèntzias fintzas a istudiantes traballadores bènnidos dae paritzos tzentros de sa provintzia, ispainende si gasi su batzinu de impitude sos impitadores;

Cunsideradu chi sos cursos de segundu livellu (ex serales) sunt incardinati in sas iscolas segundàrias de su de II grados;Cunsideradu chi :

- sos cursos serales cunsentint sa torrada formativa, favorint s'ispetzializatzione e sa ri-cunversione in àmbitu de traballu cualifichende giòvanos e adultos privos de professionalidade aggiornada, abinende sos impinnos de istùdiu cun sos de traballu e familiares;
- chi sa dimanda de ativarè unu percursu serale mirat a favorire su reconnoschimentu de sos crèditos formativos e informales imparados in s'esperientzia iscolàstica e de traballu de sugetos chi impinnosatuales, comente a traballadores, non cunsentint sa frecuèntzia de cursos a de die;
- Ante s'Istitutu tènicu cummertziale Salvatore Satta, cun sede in Nùgoro, intre sos indiritzos de istùdiu de su Setore Econòmicu: est ativu s'Indiritzu Turismu, in ue s'aprofundit s'istùdiu de sas realidades turisticas locales, cun atentumescamente a sa valorizatzione e gosu de su patrimoniu paesagisticu, artisticu, culturale, artesanale, enogastronòmicu.
- S'Amministratzione comunale retenet de pòdere promòvere e sustentare sa dimanda de ativatzione in su logu de unu cursu de segundu livellu in su settore turisticu, faghende chi a s'oferta formativa potzat atzèdere sena impedimentos una platea de dischente manna a beru ;
- S'istitutzione de unu cursu de segundu livellu pro adultos (ex serales) de s'Istitutu Tènicu Econòmicu indiritzu de istùdiu Turismu, diat rapresentare un'oportunidade de isvilupu siat pro sa comunidadedurgalesa chi pro sas chi sunt lacanàrgias;

Tentu contu de sa disponibilitade de sos locales iscolàsticos e de laboratòrios siat acanta sos locales de s'Istitutu cumprensivu Gisellu siat acanta sos locales de su Litzeu Sientificu Pira,

Retentu duncas pretzisu espressare pàrrere favorèvole e assùmere totu sas iniziativas e sos providimentos de cumpetèntzia pròpia, pro chi potzat èssere insertada in sa programatzione triennale regionale s'istitutzione, in su territòriu comunale de Durgali, de unu percursu de segundu livellu pro adultos (ex serales) de s'Istitutu Tènicu Econòmicu indiritzu de istùdiu Turismu;

Dadu àutu chi sa promotzione de custa iniziativa non non nche ruet in perunu garbu a su Bilantzu de s'Ente; Torradu a cramare s'art. 48 de su D.Lgs. 18.08.2000 n. 267 chi atribuit a sa Giunta Comunale cumpetèntzia residuale subra de totu sas matèrias chi non siant cunsentidas dae sa lege o dae s'istatutu comunale a sos àteros òrganos eletivos e a sos òrganos burocràticos;

Bidu s'Istatutu Comunale;

Bidu su Bilantzu de Previsione finantziàriu 2023/2025 aprovalu cun Deliberatzione de su Cussigiu Comunale n°15 de su 04/04/2023 rëndida deretu esecutàbile;

Datu atu chi subra de sa presente proposta no est netzessàriu a achirire sos pàrteres de cales a s'artìculu 49 de su D.lgs 267/2000 e s.m.sos., tratende·si de petzi de un'atu de indiritzu politicu; cun votazione unànime

DELIBERAT

pro cantu espressadu in premissa de formalizare sa dimanda de istituire, in su territòriu comunale de Durgali, unu percursu de segundu livellu pro adultos (ex serales) de s'Istitutu Tènicu Econòmicu indiritzu de istùdiu Turismu, pro chi sa dimanda presente nche potzat èssere insertada in sa programatzione triennale regionale, espressendepàrrere favorèvole; de trasmitere còpia de sa presente deliberatzione a s'Amministrazione Provintziale a sos fines de s'integratzione de su Pranu de dimensionamento imbeniente de sa rete iscolàstica. de rëndere s' àtu presente, cun votazione separada e unànime , sende s'apretu de providire, de pònnere in esecutzione deretu a sos sentidos de s'artìculu 134 comma 4 de su D.lgs 267/2000;

Letu, aprovalu e sutascritu.

Sa Sìndiga
Comunale F.to Dut.ra Angela Testone

Su Vitze Segretàriu
F.du Dut.ra Elena Rita Mereu

ATESTATZIONES E PARRES
(a sos sentidos de s'art. 49 comma 1 de su D.LGS. 267 de su 18.08.2000)

TZERTIFICADU DE PUBLICATZIONE

S'ATESTAT chi sa presente deliberatzione, publicada a s'albu pretòriu informàticu de custu Comunu de su 10-10-2023 a su 25-10-2023, est istada trasmitida in còpia a sos Cabosgrupu Consiliares (a s'art. 125, c.1, de su D.Lgs 18/08/2000, n° 267) e at a devènnere esecutiva su 10-10-2023:

Su Prepostu a sa Publicatzione
F.to Mariolina Mereu

Sa presente còpia est cunforma a
s'originale.